



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅՈՒՆ  
ՆԱԽԱՐԱՐԻ ՏԵՂԱԿԱԼ

Հայաստանի Հանրապետություն, Երևան 0010, Կառավարական տուն N 3

հեռ. (+ 374 60) 80 80 03

Էլ. փոստ [info@moh.am](mailto:info@moh.am)

\_\_\_\_\_ N \_\_\_\_\_

Ձեր N \_\_\_\_\_

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՖԻՆԱՆՍՆԵՐԻ ՆԱԽԱՐԱՐԻ ՏԵՂԱԿԱԼ  
ՊԱՐՈՆ Ա. ՀԱՅՐԱՊԵՏՅԱՆԻՆ

Հարգելի պարոն Հայրապետյան

Ի պատասխան Ձեր 2020 թվականի հուլիսի 14-ի թիվ 04/5-1/10452-2020 գրության՝ «Միջազգային պայմանագրերի մասին» ՀՀ օրենքի 11-րդ հոդվածի 1-ին մասի 2-րդ ենթակետին համապատասխան՝ կից Ձեզ եմ ներկայացնում Կայունացման և Զարգացման եվրասիական հիմնադրամի միջոցներից ֆինանսավորվող «Առողջապահության առաջնային օղակում ոչ վարակիչ հիվանդությունների կանխարգելման և վերահսկման կատարելագործում» 2018 թվականի ապրիլի 3-ի դրամաշնորհային համաձայնագրին կից թիվ 1 լրացուցիչ համաձայնագրի հիմնավորումը:

ՀԱՐԳԱՆՔՈՎ՝

ՇԱՎԱՐՇ ԳՐԻԳՈՐՅԱՆ

14.07.2020

X 

---

ՇԱՎԱՐՇ ԳՐԻԳՈՐՅԱՆ

Signed by: GRIGORYAN SHAVARSH 2104840295

Կատարող՝ Մ.Աղաջանովա,  
ԱԾԻԳ, հեռ: 29-75-36

## ՀԻՄՆԱՎՈՐՈՒՄ

Կայունացման և Զարգացման եվրասիական հիմնադրամի միջոցներից  
ֆինանսավորվող «Առողջապահության առաջնային օղակում ոչ վարակիչ  
հիվանդությունների կանխարգելման և վերահսկման կատարելագործում»

2018 թվականի ապրիլի 3-ի դրամաշնորհային համաձայնագրին կից թիվ 1

լրացուցիչ համաձայնագրի

Հայաստանի Հանրապետության առողջապահության համակարգում ներկայում  
իրականացնում է Կայունացման և Զարգացման եվրասիական հիմնադրամի միջոցներից  
ֆինանսավորվող «Առողջապահության առաջնային օղակում ոչ վարակիչ  
հիվանդությունների կանխարգելման և վերահսկման կատարելագործում»  
դրամաշնորհային ծրագիրը (այսուհետ՝ Դրամաշնորհային ծրագիր): Հայաստանի  
Հանրապետությունում ոչ վարակիչ հիվանդությունների՝ մասնավորապես կրծքագեղձի  
քաղցկեղի կանխարգելմանն ուղղված 1 մլն ԱՄՆ դոլար արժողությամբ  
Դրամաշնորհային ծրագրի Համաձայնագիրը ստորագրվել է 03.04.2018թ. և ուժի մեջ է  
մտել 21.09.2018թ.:

Ծրագրի շրջանակներում նախատեսվում է ՀՀ սահմանամերձ 3 մարզերում՝  
Լոռիում, Տավուշում և Սյունիքում իրականացնել կրծքագեղձի մամոգրաֆիկ  
սքրինինգային հետազոտություններ կանանց 50-69 տարիքային խմբում՝ ապահովելով  
առնվազն 50% ընդգրկվածություն:

Ներկա պահին, սքրինինգային ծրագրերի իրականացման նպատակով ձեռք է  
բերվել շարժական մամոգրաֆիայի սարքավորում: Սարքավորումը արդեն  
Հայաստանում է:

Ծրագրում ընդգրկված ազգաբնակչությանը ծրագրի վերաբերյալ հնարավորինս  
տեղեկացնելու նպատակով իրականացվել են հանրային իրազեկման քարոզարշավի մի  
շարք նախապատրաստական աշխատանքներ:

Ծրագրում ընդգրկված բժշկական և վարչական անձնակազմի  
վերապատրաստման նպատակով մշակվել են հետազոտությունների վարման

համապատասխան ընթացակարգեր և գործառնական ձեռնարկներ, ներկայում ընթացքի մեջ է կարճաժամկետ վերապատրաստման դասընթացներ իրականացնող անհատ խորհրդատուի ընտրության գործընթացը:

Սրբինինգային հետազոտությունները նախատեսվում է մեկնարկել 2020թ. երկրորդ կիսամյակում:

Հաշվի առնելով առողջապահության բնագավառում տեղի ունեցած փոփոխությունները, ստորագրվել է Կայունացման և Զարգացման եվրասիական հիմնադրամի միջոցներից ֆինանսավորվող «Առողջապահության առաջնային օղակում ոչ վարակիչ հիվանդությունների կանխարգելման և վերահսկման կատարելագործում» 2018 թվականի ապրիլի 3-ի դրամաշնորհային համաձայնագրին կից թիվ 1 լրացուցիչ համաձայնագիրը, որը, համաձայն «Միջազգային պայմանագրերի մասին» ՀՀ օրենքի, ենթակա է հաստատման ՀՀ Նախագահի կողմից:

Դրամաշնորհային Համաձայնագրի փոփոխությունը պայմանավորված է հետևյալ հանգամանքով. հիմք ընդունելով «Պետական գույքի մասնավորեցման 2017-2020 թվականների ծրագրի մասին» օրենքում փոփոխություններ կատարելու մասին» 19.06.2019թ. ՀՀ օրենքը՝ «Վ. Ա. Ֆանարջյանի անվան ուռուցքաբանության ազգային կենտրոն» ՓԲԸ-ն (այսուհետ՝ ՈԻԱԿ), որը ներառված էր 2017-2020թթ. մասնավորեցման ենթակա պետական կազմակերպությունների ցանկում, հանվել է նշված ցանկից: Համաձայն ՀՀ կառավարության 22.08.2019թ. թիվ 1064-Ա որոշման՝ վերջինիս բաժնետոմսերի կառավարման լիազորությունները վերապահվել են Առողջապահության նախարարությանը: Հարկ է նշել, որ ՈԻԱԿ-ը Հայաստանում միակ մասնագիտացված կազմակերպությունն է, որտեղ հնարավոր է իրականացնել ուռուցքային հիվանդությունների ամբողջական և բազմակողմանի բուժում/վարում, այդ թվում՝ հիվանդության ախտորոշում, քիմիոթերապիա, վիրահատական միջամտություն և ճառագայթային բուժում:

Հայտնում եմ, որ Դրամաշնորհային ծրագրի իրագործման ընթացքում էական դերակատարում ունի Բժշկական կենտրոնը, որի մասնագետները պետք է վերձանեն մարզերում իրականացված սրբինինգային մամոգրաֆիկ հետազոտությունները և որին, որպես սեփականություն, պետք է հանձնվի շարժական մամոգրաֆիայի սարքավորումը: Ներկայում ծրագրում ընդգրկված Բժշկական կենտրոնը «Սուրբ Գրիգոր Լուսավորիչ

բժշկական կենտրոն» ՓԲԸ-ն է (այսուհետ՝ ՍԳԼ): Տվյալ դեպքում, վերջինիս փոխարեն առաջարկվել է ծրագրում ընդգրկել ՈԻԱԿ-ը, որն,ի տարբերություն ՍԳԼ-ի, որը ժամանակին ներառվել է ծրագրում որպես Առողջապահության նախարարության ենթակայության ամենաբազմապրոֆիլ բժշկական կենտրոն, նեղ մասնագիտական ծառայություններ է մատուցում քննարկվող բնագավառում և ունի համապատասխան մասնագիտական կարողություններ: Առաջարկվող փոփոխությունը հնարավորություն կտա ծրագրի շահառուներին մատուցել առավել որակյալ բժշկական ծառայություններ, քանի որ սքրինինգային հետազոտությունների արդյունքում հիվանդության բացահայտման դեպքում ՈԻԱԿ-ը կապահովինան հիվանդության անխափան վարման և պացիենտի հետագա բուժման գործընթացը: Ծրագրում մասնագիտացված կենտրոնի ներգրավումը, մեր կարծիքով, կնպաստի նաև համապատասխան մասնագետների կրթմանն ու մամոգրաֆիայի սարքավորման հետագա պահպանությանն ուղղված ծախսերի տնտեսմանը:

Առողջապահության նախարարությունը վստահ է, որ Դրամաշնորհային Համաձայնագրում առաջարկվող փոփոխությունը հնարավորություն կտա հասնելու առավելագույն արդյունավետության ծրագրի իրագործման տեսանկյունից՝ ապահովելով պոտենցիալ հիվանդների հետագա բուժումը մասնագիտացված կենտրոնում և նպաստելով ծրագրով նախատեսված ֆինանսական միջոցների հնարավորինս նպատակային ծախսմանը: